

齊山集卷之十一

祭文

奉安考亭先生于洞霄宮文

首一 丙申歲浙江提學

嗚呼先生提舉洞霄宮數百年于茲矣往歲春三月  
某渡茗溪陟天柱訪公之遺跡而步焉山川迴合奎  
壁聯輝愀然颯然恍見顏色曰嗟乎嗟乎先生之神  
其尚周旋於茗溪大滌之上也乎乃作歌曰千秋繼  
者誰天柱空含碧將以奉先生于堂而俎豆焉弗果  
暨茲歲秋七月復渡茗溪叩多士味爽誦誠意之章  
繹鵝湖之辯而短章勒諸石工者忽復告成至自錢

吳興  
書局



塘江上嗟乎嗟乎先生之神其固周旋於蒼溪天柱之間曠百世而相感者乎儒乃拜手稽首而言曰嗚呼道統之傳出于天昉于堯舜至孔子集群聖之大成至先生則又集諸儒之大成者風雨如晦鷄鳴不已而洞霄遺跡委諸苔蘚曾不得尋墜緒於泰山喬嶽之下謂之何哉謂之何哉其竊惟聖賢之道不以易世而有存亡先生之神亦豈以古今而為顯晦第觀故宮之禾黍慨吾道之宗盟願為執鞭而不可得則東生為以弔千古之豪其必有見先生于羨墻者乎爰考國史卜日奉安于洞霄宮又從而歌曰維洞霄兮極浦寒杜蘅兮芳芷先生遠紹兮鈎玄哀我人兮獨苦薦明信兮蒼溪千秋萬歲兮儼茲遺矩且命二三子春秋釋菜翼我景行將以衍吾道于不墜先生其諒只哉

祈雨文 癸丑歲戶部侍郎署禮部事作

曰維

留都為

國家根本重地維東南寔為財賦之源邇來

國步多艱突罹兵燹所望時和年豐或可少蘇民困乃茲入夏以來亢旱為虐禾用枯稿民用憂惶此寔庶



官奉職無狀上千

天和所致民亦何辜茲各矢心齋戒卜日分行

祭告惟

神其祇告

上帝幹旋玄工普施甘霖用慰我東南千里之望

神其聽之

謝雨文

曰嗚呼今歲是四月不雨五月不雨民用憂惶乃走告于司徒氏曰子將疇依抑

國賦將安出儒乃感然靡寧曰曷禱諸時適承乏典三

禮乃卜六月二十七日壬寅敬告于百司庶府曰其各洗乃心省乃職以昭事

上帝又七月朔日乙巳敬焚告于

京都城隍曰其為我達諸

上帝吾將請禱乃七月二日丙午三日丁未四日戊申自庶正下逮百執事咸稽首籲天惴惴罔弗共乃一二日間即仰荷

皇天降鑿時沛甘霖閃爍風雷寔昭

靈異至六日庚戌諸司方在公從事而大雨滂沱四郊沾足東南老稚咸欣欣然有更生之望矣嗚呼豈



天之憫我窮民持茲陰隲以紓

國計以濟群生耶抑

明后感通必自有在職等亦安敢貪

天功以爲已力謹稽首頓首百拜申謝

神其鑒之

辛卯歲祈雨文

時爲東昌知府作

嗚呼儒不才濫守東邦也歲有奇矣往歲夏不雨暨  
秋七月大雨淫儒禱之咸應百穀用成家用平康民  
乃熙熙相率以告于守土曰維神之靈之惠我民也  
如是茲維休哉備乃拜手稽首謝曰嗚呼成若時亦  
唯神福我東土神其休哉乃茲辛卯自春徂夏不雨  
儒禱于名山大川風雲雷雨城隍如往歲越翼日雷  
雨作旋復霽風霾愈作嗚呼神哉異哉顧乃露其機  
而不竟其施茲豈神弗靈于辛卯而崇我東人哉禱  
之應惟神之靈施之屯惟儒之咎嗚呼儒不才濫守



東邦也歲有奇矣得無有淫于刑而孝婦之含冤耶  
得無有弛于禁而善良之受禍耶得無有勤于作而  
民力之弗忍耶抑或有黷于貨而苞苴之或入耶有  
一于茲皆足以上干和氣庸致愆陽神其殛我躬速  
俾以死寔昭靈異乃弗予咎顧使侈而章服糜而廩  
祿操而刑辟偃然于一郡之上而獨俾吾民受禍也  
神其謬哉予不揣茲復齋戒徒步率而僚屬竭誠祈  
禱于神惟神聰明正直尚其庇我東人申告

上帝大沛甘霖霑此枯槁神其永孚于休儒亦省德如其  
重違神既無能反躬則寧速殛死毋寧害我百姓用

貽神羞嗚呼念哉

癸巳歲祈雨文

維茲春不雨暨夏四月不雨乃靡我撫臣之憂曰惟  
神依民惟民依食民食艱哉神其能血食茲土時維  
我暨爾有司之愆其尚省躬竭誠為我禱于名山大  
川用祈甘雨惠我窮民維儒忝竊東土三年重為民  
靈茲旱也維儒之咎民亦何辜茲敢率我士庶敬扣  
神明其尚

鑒我撫臣之衷憫我蒼生之困雨茲下土寔拜明賜  
若其咎徵在儒邦有常刑神胥燹之勿赦



癸巳歲謝雨文

昔蘇子志喜雨亭也曰一雨三日民曰太守太守不  
有歸之天子歸之造物又歸之太空乃今其信然哉  
夫我東邦自春不雨暨夏復不雨我撫臣實隱憂之  
曰爾其禱于山川禋于社稷徧于雷雨質于城隍惟  
爾虔神其乃有字予亦禱于濟之上矣其昏慎哉儒  
乃齋戒洗心陳牲誓詞庚辰告于壇拜而雨雨而霽  
午乃大雨沾如渥如千里突如商賈相與歌于市農  
夫相與休于野某且懽呼踴躍與二三子相慶於郡  
之上有矣嗚呼天不遺我民其仁覆固爾神乎其百  
執事乎其撫臣乎其造物乎抑太空乎使子瞻之在  
今茲吾不知復何如其歌詠也某於蘇無能爲役遭  
逢盛美敢拜手稽首酌爾神曰上游兮東土歲需兮  
旁午春徂夏兮恒暘哀我人斯獨苦奔走群吏兮明  
禋御瑟絙兮簫鼓矢文告兮冥冥乃和風兮甘雨曉  
東望兮阜原麥青青兮華吐睠明賜兮太空豐厥施  
兮斯普卷兮報兮搗辭獻靈修兮歌舞桂醕兮椒漿  
衍衍兮于神之戶

祭社稷文

越惟太和在成周宇宙間而豐年大田洋洋雅頌儒



嘗受而讀之曰琴瑟擊鼓以祈甘雨以介我稷黍以  
穀我士女恒擊節嘆曰美哉歌乎其茲爲泰和之音  
也乎乃茲躬逢其休喜慶何極則亦爲歌以謝於神  
曰於維社兮播茲稼兮厥培潤下兮明賜始諸夏兮  
吁嗟乎社兮於維稷兮足我食兮厥本孔殖兮我民  
樂其無極兮吁嗟乎稷兮

祭武安王文

惟神叱咤風雷奠安寰宇廟貌有嚴肅茲儀矩有感  
斯通捷于桴鼓乃茲三春風霾屢屢我禱神祠矢心  
相語於赫厥靈時暘時雨於乎休哉惟神之祐厥祐

屬崇笙鏞于羽於萬斯年血食東土

謝雪文

某蒞茲東郡四載于茲矣每禱而雨而雪其應也如  
嚮神之爲靈昭昭也於戲其諸天佑我民乎夫天之  
聽因於民天之應其民之和乎昔箕子作洪範曰肅  
時雨若曰僭恒暘若某不才未敢貪天功以爲己力  
然自視篆以迄于今未敢爾漁亦未敢爾雷四境熙  
熙竊敢附於民和之休矣然則禱而應應而惟影響  
其諸天之純佑我民乎曉登光嶽瑞氣氤氳知我東  
之大有年樂且無極矣某敢不稽首稽首爲我民百



拜以

謝

又

維我郡往歲不雨禱而雨茲春也旱復禱而雪山川  
出雲網緼交密嗚呼其諸神佑我民乎昔孝婦含冤  
三年大旱我東四載曾無旱暵天札之虞其我民之  
無冤乎漢儒亦曰人主和德于上則天地之和應矣  
嗚呼其諸有賴於斯乎春日載陽有鳴倉庚敬謝爾  
神惠我無疆謹告

祈雨文

時爲山東左布政使作

曰維我齊魯翊戴

王畿沃野千里古稱富饒甲于天下維時饑饉存臻公  
私坐困眴眴焉罔獲攸寧豈我民之無祿抑時政之  
有乖蓋自誅求無藝而抒抽空刑法罔衷而死生異  
營室繁興而山澤枯兵燹相仍而飛輓亟哀我憚人  
潛然出涕誠有如大東詩人所云者所幸天不重遺  
我民茲春三月雨四月復雨而千里滂沱播厥百穀  
說者謂東方數十年來未有若是之稼某等亦欣欣  
然爲我民慶矣邇來狂風大作拔木飛沙雖風雨霜  
露無非神道而私憂過計竊恐扇虐爲旱或傷我苗



將無以拜

神之明賜矣用是敢陳牲誓詞告于

上帝暨于山川鬼神其尚幹旋化機俾甘霖隨沛百穀用

登終惠我民以奠我太山滄海之勝式維

神休如或某等慢神虐民貪殘蠹政神其殛之母寧

肆虐害我百姓嗚呼駿哉

芹山集卷之十二

祭座主西原薛先生文 癸未會試經房

儒嘗聞天下有三大曰父生之君養之師教之初直  
信其語爾乃今受吾師罔極之恩其固與君父同哉  
始某鼓篋西山時嘗企仰

昭代諸賢上繼周孔者將其面事之先生方其聲藝苑  
籍籍濛梁間其道無繇也迨某挾策南宮時復企仰  
昭代文衡力崇典謨者將其面事之先生復持衡政府  
籍籍縉紳間其道無繇也乃遂嘆命途多舛鼓瑟王  
門抱璞而泣于荆山者亦屢矣曰嗟乎嗟乎豈大道



之難窮抑哲人之不偶蓋自是強探力索垂三十年  
將必求知我者而終身北面事之焉乃亦無繇致之  
也暨歲癸未

明天子方旁招俊又一時雲龍風虎彬彬彙征而其猥以  
駑駘乃亦叨從于驪黃牝牡之後不其幸與蓋當是  
時群公百執事各舉所知先生乃獨謂某頗得中原  
文字之傳而所以薦之者不遺餘力時則有若

太傅能峰石公太史涇野呂公亦謂先生知我諒我  
而相與力贊之不肖如儒乃遂與天下爭衡茲不其  
太幸與惟愚昔有感夢兆若有携我而躋之群英之上

者或以爲異而春明乃信然也然則先生之所以成  
全乎我者其固有數存於其間乎知我者其惟先生  
乎嗣是東道而南乃遂得二三子者褻然甲天下及  
者四人登進而亦所以報士者若干人

明天子者惟茲是賴焉

宸章寵數賁及我祖我父者不朽然則受先生固極之  
恩謂與君父同者非耶願先生養高林壑幾欲卒業  
門墻不可得而先生且奄逝矣嗚呼痛哉昔者門人  
爲其師心喪三年禮則有之而其獨不得築室于南  
又不能發揮先生事業于百世之下其有負於諸賢



者亦多矣謂之何哉謂之何哉敢製蕪詞用昭明德  
繼自今將圖龜勉守道終身痛以報先生之知遇不  
其將諒我乎棄我乎臨風哭奠誠不知辭之所云矣  
嗚呼痛哉

祭翟石門閣老文

嗚呼我公豪傑之才作我神京之山斗清謹之與特  
承

帝春之絲綸保大定功禮賢下士經略九邊而華夷想望  
其風采掄選多士而縉紳胥賴其陶成此其勳業在  
朝廷文章播海內昭昭乎其名世矣某也何人其何能

贊一辭哉惟其孤陋蚤沾私淑之教得步後塵近承  
絕筆之文志及先母則某於公寔受罔極之恩而凡  
我陳氏孫子亦世世不被休光不朽矣瞻謝未幾遽  
爾永訣其何以報我公于萬一哉生芻一束用寄微  
悰神乎有知慰我徬徨

祭李杏岡尚書文

乃子廷相亦爲戶部尚書

我聞古之誅君子者曰天不憖遺一老俾守我王嗚  
呼豈其然乎維公歷事

三朝功昭

社稷司金穀而重九年之



國計富經略而作萬里之長城公于其時固所謂見龍  
在田天下文明者耶已而歷試諸難乃言底績荷

睿眷而游加乎宮保顧槐陰而森蔚於公庭公于其時固  
所謂鴻漸于遠其羽可用爲儀者耶采菊東籬悠然  
獨步賦詩北海是然有聞蓋將寄浮生於晝夜而已  
全大化於天真至其愛君憂國究竟宏施則尤惓惓  
焉付諸后之人矣嗚呼伊陟象賢復相有商之業夷  
簡濟美世美呂氏之榮乃今奕葉重光

明良合德行將握

絲綸於池上隆熙皞於虞唐然則我公之澤固有不待生  
而存不隨死而亡者矣嗚呼天不慙遺一老豈其  
乎千里陳辭用昭世業神其聽之

祭楊五華尚書文

維茲春二月辛未計至自都下曰司寇華翁逝矣已  
而復辱我公屬纊之音宛如平日某稽首嗚咽不勝  
悲痛嗟乎泰山其頽哲人之萎儒蓋將上爲天下慟  
而下以哭吾私矣伏念某猥以薄劣粵自筮仕之初  
卽蒙我公大訓乃遂勉奉常景行先達暨公爲  
司寇我叨外臺乃復不肖苟菲欲締葭蓍儒也何人  
敢茲攀附迨辱我學士汝湖之命申之以宗伯類卷



之好乃敢薦弱息用承箕箒無何我公且奄逝矣嗚呼痛哉夫公勲業在

朝廷清議在天下繩武在箕裘紀述在竹帛卓卓乎享茲純嘏矣某復何言顧某落落孤踪罔承終訓而弱息曾不得承惟救水于一日乃茲亦靡所于恃矣傷哉抑奉公遺命言猶在其嗣是將圖勉奉蘋蘩甫報明德嗟嗟公子將必廣若翁之愛於他日者矣千里緘辭生芻一束我公其鑒只哉

祭張敬文都憲文

維哲人之進退繫世道之重輕翊

皇猷於丕顯調玉燭之太平睠克艱之底績微懋德其孰營繫敬翁之崛起抱經濟於夙成方釋躋以從事卽含章而可貞藹絃歌之百里寒星斗於一鳴東矢鈞金聽五辭之叢棘皂囊白簡誓一節以澄清肅風裁於城社重平反於湘衡方新政之倚毗遽故國之尋盟望飛樓以長嘯泛江水而怡情當是時也固將狹宇宙杜將迎等紛華於逆旅託大隱於浮生而不知敬亭不起固深有望於天下之蒼生矣守介石以貞吉懼壯趾而顛冥培丹桂以森鬱還造化而長征或



者謂先生有不盡之用而不知先生之志固已無憾  
於佳城矣嗚呼天不救遺一老俾守我王豈斯民之  
無祿抑天不欲深致太平邪某等叨從末學仰止蜚  
聲驚訃音之奄及痛梁木之既傾敢陳辭於芻束用  
昭信於明湮神乎來哉慰我衷誠

祭王侍御江涯先生文

翰林三渠公之父

嗚呼古稱三秦多豪傑之士夫其華嶽崔嵬河流環  
帶且成周風氣百世猶存則其鍾而為人物當必呼  
落直與太虛爭雄矣若我江涯先生者豈亦其  
一抱奇氣應昌期拜官御史危言正論衆星  
斗而裂金石踏而復奮僣倣弗撓而直聲遂動天下  
謂為古豪傑之士非耶抑其槐陰翁鬱上克明堂梁  
棟之資所以壽我

國脉者又將求永不朽矣謂我公正氣詎直凌駕一時  
拾遺閭闔而已耶顯位方陟俄爾告終或者重為公  
惜予獨謂公之英靈昭汗青而垂密勿將有不待生  
而存不隨死而亡者矣嗚呼休哉敢陳薄奠侑以蕪  
辭我公其諒只哉

祭任樵巖侍御文

嗚呼樵巖死矣吾惡乎哭諸維子文步莊騷詩工李



杜忠効龍逢書逼繇素海內縉紳孰不慕公之令名而傾心於一遇某也不穀蓋嘗識子於長安嘗以忠諫而受鋼當是時也三木囊頭怡然獨步問之曰

天王聖明小臣觸怒吾固知子之艱貞將髮髯乎明夷之矩度矣暨子剖符於東山子乃嘉遯於野渡當是時也萬古群蒙超然妙悟問之曰半畝芳塘漁樵足娛吾又知子之獨樂亦庶幾乎簞瓢之真趣矣某也學道固聞復益思懼仰止高風貫出情愫或賦詩於津上之亭或圖策於救時之疏或鼓琴於南薰之來或飲酒於投壺之聚蓋已締情好於忘形而尤嗟美人

之遲暮迨我入江南君送海務徘徊嘯飲於長途意氣相期於末路曾未兩年遽爾聞訃痛梁木之既傾哀鳴咽而反覆嗚呼樵巖死矣吾誰與晤海內弟兄其孰如我樵巖同心而務樹者耶抑子才不竟其施乃茲坎廩壽僅得其中儻爾物故傷哉痛心薄言往愬噫嘻嗟哉顏之死孔之厄鄧氏之弗後豈天道之無知抑造物盈虛之有數而子適遭其所窮夫豈庸心於爾妬也或曰天上樓成白玉是賦吾子殆將駕風鞭霆揖文昌而雄藻於雲霧也夫後死者吊孤踪而罔知攸措矣嗚呼哀哉



祭戶部朱正郎父文

公隱士也

其辭曰士有生不逢時而志可信匪羸于躬而利乃  
后人越修名之有立兮唯嘉遯之足珍苟吾志之終  
無尤兮固將訪箕山之與鄰嗟嗟西方之美人兮崇  
雅飭于崆峒俯江流其旣深兮盱曠視于秋旻曰耿  
介以自將兮固不周乎時好夫唯高騫而遐舉兮又  
奚虞夫矰繳繫世澤之孔殷兮將承休于懃遺岨賢  
豪之用嗣兮寔穎脫于昭茲紛杼思其陸離兮適觀  
光乎上國矢清白于守官兮式承風乎遺則嗟嗟先  
生之有後兮奚有隱而弗音惜屏營以全汝形兮遽  
息懸車於夕陽哀我人之永懷兮曷陟岵而不行扣  
閭闔其莫予從兮徒鬱抑乎悲傷已矣哉臯升其曷  
以追兮亦庶幾永賁乎山之藏

祭朴莊先生文

同寅張少叅之父山西人

曰維逸民之處世恒率履而葆貞瞻良工之守璞翳  
古道之是程矢嘉遯以自肥頽垂芳于式穀雖厥躬  
之匪羸亦后人之永福矧晉陽之雄且寔表裏之山  
河嗟朴莊之高蹈載考槃于陵阿時俛仰乎乾坤或  
進退乎今古步羲皇之上人蓋絳灌之爲伍渡汾陰  
兮衍衍望太行兮峨峨餐秋英兮寄傲賁白駒兮浩



歌適表正乎鄉閭遂象賢乎昌胤爰羽儀乎

天朝式揚休乎嘉運蜚清望兮留都肅王度兮遼左暨受  
命于旬宣益服勤于百荷載顯親兮揚名乃馳封乎

受服承

寵命兮使蕃寔義方兮孔夙曰沂流兮窮源謂焚膏兮賸  
馥爰斯普兮厥施將平生乎是足方承懽于奉檄忽  
升旱于夕陽痛蓼莪而飲恨乃濟汶之悲傷某等辱  
寮案于藩垣締朋簪之兄弟重涕零于訃音真生芻  
而酌祭靈其有知歆我奠瘞

祭任樵巖侍御父文

於戲西野其固弗偶于時乎壬辰九月吾嘗奉扈于  
庭壽翁于孝曰洪範五福惟翁是協曾未幾時翁且  
中絕嗚呼翁也其固弗偶于時乎吾友樵巖古今高  
氏曰顯而親曰駿而志惟時乃屯曷昌而熾曾不愆  
遺翁其長逝嗚呼翁也其固弗偶于時乎吾嘗俛仰  
古今冥搜物化消息盈虛是圖是咤曰嗟乎嗟乎惟  
大德之弗官惟仁者之弗壽惟跼蹐而期頤惟軒鶴  
之文繡豈人定之勝天抑化機之或繆感今悲昔我  
心孔疚慟魯麟兮在郊嘯商山兮弗售掩袂西風晦  
冥宇宙嗚呼哀哉其信然乎其信然乎古也良工弗



示以朴亦有松筠歲寒而沃固潛耀之以時洵貞幹  
而靡斲翁位弗顯翁德惟毅式貽孫子如陽斯復睠  
碩果之尚存將繩繩而贖馥嗟乎嗟乎翁詎弗偶于  
明時抑亦遺庥於韞匱吾酌爾觴吾望爾族喬嶽滄溟奇  
觀躑躅嗟呼郝哉布衣西山又烏足爲吾翁而痛哭  
祭視莊葉先生入名宦祠文

維天生民爰立司牧期在引養引恬躋吾民于春臺  
玉燭之上維公之蒞東土明作有功赫然有鷹鷂之  
志乃茲均田之舉程遠適計盈縮畫郊圻抑豪石繕  
城隍戎奸究而千里金湯乃獲遂安宅之休將所謂

仁政者非耶茲我東山父老疏請 崇祀我 宿莖  
柱史特茲允之曰勅從之用以勸能儒生也晚無能  
仰步風烈敬用俎豆于諸先哲之右亦惟我東人之  
雅是崇記曰有功德于民則祀之公豈亦其人哉

祭刑部楊王政文

嗚呼元錫遽止斯耶粵吾先子之友於若翁而吾復  
與先生友也萍水之遇骨肉之情重相許乎氣節矢  
無負於心盟嗚呼今則已矣尚忍言哉太行數千仞  
子陟其巔淮水數千尋子探其泓先生之爲心也亦  
既將覽勝聚漈蒼生籌此身之潛見爲世道之重輕



暨筮仕於司寇惟明慎於用刑回天有諫直道是鳴  
步都亭之風烈炳陸贄之丹青道欲行而未遂言甫  
出而遽傾嗚呼今則已矣余尚忍讀公疏之精誠也  
哉憶親老兮垂白嗟子幼兮零丁扶柩恒山兮西風  
泣血泚舟中河兮夜月空庭嗚呼詎意先生之不復  
久榮邪惟諸昆兮森立撫母子兮如生脫書香之繼  
序慰不死之靈英生芻一束哭奠兩楹喬梓之爲吾  
迪家愛者今則已矣嗚呼痛哉

祭尚寶白洛原文

嗚呼洛原遽止斯耶凡人抱奇瑰卓犖之氣聰明  
淵懿之才必將茂對昌時經綸寰宇俾天下後世指  
而名之曰某上某上嗚呼洛原遽止斯耶粵白庚辰  
辛巳吾子挾策來遊上國意將尚友天下士以追配  
前人維時洞野諸臣轡內方在中秘洛原乃日與麇  
酬聲華流溢已乃不鄙寒廬執經往造載離寒暑窮  
搜遠到嗚呼洛原豈將謂予頗崇孔孟正脉故疊疊  
以相告耶于時見爾詞道屈宋書通鍾王士林快覩  
景星鳳凰然終恐因文見道博塞亡羊亦嘗謬加規  
正良賈深歲暨于壬午爾遂蘄然頭角騰踏飛黃  
呼君才則爾予亦何長所望洛原反躬實踐如虞機



張

皇猷黼黻治化珪璋爾乃高視闊步幽眇張皇登龍門躋  
武夷問羽化窺玄岐弔河山之二騰辭藻於陸離  
知子者謂子爲達不知子者將謂子爲浮靡爲支離  
動遭坎坷願與時違乃遂齋志以沒鬱鬱天涯嗚呼  
子之志良苦而其跡亦良可悲矣豈其尚昧於龍蛇  
之螫抑窮通得喪造物者固有所尸焉者耶所幸鳳  
毛麟角燁燁爭奇傳芳繩武如取如攜若洛原者亦  
何憾于中道之遐遺耶

祭順渠先生文

公爲

國子祭酒爲余撰武城生祠記

嗚呼順渠先生今則已矣予何以報先生百世不朽  
之賜也昔之論者曰太上立德其次立功其次立言  
此之謂不朽維公博極羣書洞觀物理而立言垂訓  
懋昭功德洋洋乎上繼鄒魯之傳是曰不朽顧予何  
人乃辱先生之言而得附名于不朽哉粵昔庚寅歲  
洪水儆予下民昏墊是維儒守土之罪民亦何辜時  
乃攜我父老徬徨壠上思一援手不可得乃遂亟上  
封事所幸我

明天子軫念民瘼發棠賜復儒亦夙夜圖回求解斯民倒  
懸之萬一是尚禱過揀災之不暇而亦何功之有公



乃應我士民之請勒成雄作至擬諸張忠定保蜀之  
爲且崇之廟貌將俾之血食茲土嗟乎武城之愛誠  
亦無讓於西蜀矣顧儒何人而敢擬諸忠定抑亦何  
幸而得附先生之名于不朽也嗚呼先生今則已矣  
顧茲廿有餘年予復叨承

簡命總運東南力小而任愈重時感而憂益深亦安得起  
先生于九原而誨我愚蒙也瞻望佳城言猶在耳生  
芻一束敬叩河濱先生有靈正兩佑我匡我俾無遺  
羞于時昔也哉

祭蔣進士母文

蔣登第在晚年也

曰維爾嗣頌于校弗晉于時爾亦罔有懟吁嗟乎數  
兮淑爾嗣克邁乃修

天子不嘉曰庸作賓我王家爾亦奄有休命吁嗟乎數兮  
莫詘匪昔莫信匪今尚勉爾封式昭爾音爾遽隕兮  
鴈谷之灾吁嗟乎數兮數之屯維時之鬱數之亨維  
時之信于亦何忱越惟末世載有令聞嗚呼休茲爾  
亦何憾乎長樂之陰

祭王少參母夫人文

曰維勳庸之奕世兮率乃承箕曾賢蒙之挺生兮肇  
茲母儀粵思齊之不可卽兮適崇菽書乃範教于蒙



泉兮維往訓是稽於維夫人之淑德兮貞以嬉載昌  
祚於槐庭兮鬱乃差差脩名之有立兮夫既迪簡  
於蒸黎乃和民以佐理兮其惟景行乎保釐澂宛溪  
兮殿青齊

明王心惻兮式維女知崇而緒兮將無涯乃遂窮源兮疇  
之貽有懷風木兮歲聿其悲仰思申秩兮  
奎翰馳哀我人兮歎後時神乎其來兮慰所思

芹山集卷之十三

祭祖文

壬辰歲自東昌入

觀展祀作

維吾鄉介在南服有山川風氣之勝有珠玉犀貝之  
珍是故蜿蜒磅礴光瑩瑰麗之秀發之人文必有以  
探造化之祕而寒星斗之光者粵自我高曾以下聲  
迹幽遐儒不可得而知矣暨我祖我父世篤忠貞或  
抗疏而奮勤王之師或司教而開來學之齋堅壁清  
野却胡虜於京城鳴鐸警官振賢豪於列校此其事  
功彪炳有聞必先容非我後人之懿範哉儒生也晚  
衣被前席竊詩禮於趨庭紹箕裘於奕世叨登甲第



載拜司徒始典衡於南宮甄收多士繼校文於東省特  
薦名流閭里絃歌襲遺芳於鄒魯桑麻連蔭樂大有於  
豐亨事偶告成會逢其適歲月起東人之愛戴便蕃服  
天子之寵光顧儒何人而敢當此固知前後種德良佑啓  
於後昆抑亦天道有知遂施報於先世既嘗託司成  
林氏爰志諸幽復祈太史穆氏用表諸碣凡以發遺  
休而昭不朽矣茲當述職之年適值春分之候臨風  
祭掃敬舒一念之孝思荒楮敢告南郊之遠祖  
嗚呼維南山兮蒼蒼維又水兮茫茫乃如之人兮秀  
且臧嗟予嗣世兮德音無良乃吊往躅兮山之陽

崇維修兮夙夜靡違茲幸有立兮服煌煌曰惟先澤

兮既溥將入觀

天子兮音故鄉錦榮施兮邦族之光遡流窮源兮心徬  
徨酌用酬恩兮酌以觴神乎其來兮樂且洋洋

又 丙申歲自浙江入 賀展祀焚黃作

越維壬辰之歲儒以入

覲得展省先塋迄今五年于茲矣落落丘壠不知雨露  
之濡幾何霜露之降幾何翹首燕山顧獨無感於中  
乎言念不肖仰承 祖考之鴻休佩服事君之大義  
拜



命專城罔敢失墜乃歲癸巳叨荷

皇恩贈我父爲中憲大夫東昌府知府我母田氏爲恭人

贈我母尹氏封太恭人備亦進階爲中憲大夫

天施降流光昭世世於戲榮哉茲以入

賀上節取用卜吉敬告笑昔繼自今維祗慎官常尚期

國家寵命育及我高曾以下定維孫子報本反始倦

倦至願惟神鑒哉

### 祭先考文

儒聞作善降之百祥又曰積善之家必有餘慶懿哉

言乎維吾父孝友之行純一之心循循之教謙謙之

德蓋寔得之天成而鄉閭咸以爲式者然而年不踰

上壽位僅止青瑯豈造物者有時而或感耶儒也不

肖蓋自襁褓之時特奉顏色已而詩禮趨庭夙夜望

儒謂或可以克吾宗而承遺則乃茲叨登甲第仕進

明時初任爲司徒贈父郎署再官爲郡守加贈大夫

宸章燦爛光重瑤緇金紫輝煌榮施歿世九原有知其足

以慰英靈而昭世德耶所恨鼎釜之養未伸一月

松楸之恨徒抱終天此則儒不孝之罪將安所諉而

哀哀以自盡者也茲因公務使赴上都敢對揚

天子之鴻休用少答



親恩之罔極詩云夙興夜寐無忝爾所生惟神相之  
俾衍我陳氏無彊之慶

又祭祖文 戊申歲起復展祀作

曰維儒叨承祖蔭竊祿

明時已二十餘年于茲矣粵自癸卯歲從事科場奉職  
無狀乃遂逮繫

詔獄遷謫邊方家道中衰有震且業已而復罹吾母凶變  
卧苫枕塊泣血三年蓋已無復知有人世事矣迨茲  
歲六月禮祭後伏蒙

聖朝禮制告終 諸老招延卽事乃茲十月二十六日欽

蒙

聖恩復除山東按察司僉事 輿書渙汗豸服輝煌此寔  
皇天眷佑辟我祖我父陰騭之恩顧儒何人叨此蕃錫僂  
倭拜 命感激無涯謹卜長至之辰敬申祭告之義  
繼自今亦惟誓晨晚節用報

清朝惟我 祖宗有靈其尚鑒察而終佑之俾無爲陳  
氏之羞謹告

又 庚戌歲陞南京太僕卿展祀作

曰維孫派衍南交叨承 祖蔭近於七月十五日欽  
承



上命陞南京太僕寺卿竊念孫儒待罪 明時分當措棄  
邇來三四年間存歷清華侵尋鼎鉉捫心兢惕拜  
命僂僂顧孱弱以何堪知 祖宗之垂祐茲當中秋  
吉適逢吾 父之誕辰敬奠松楸上告 祖考繼自  
今伏望俯念愚蒙益加陰騭俾得免圖晚節補報  
明時將衍陳氏宗祀無斁矣

祭亡妻文

嘉靖八年七月一日迎汝喪於都下越翼日汝大尸  
部郎中陳某乃啣哀致奠告汝

嗚呼安人汝乃無祿也其窮  
而天乎其數乎吾安得而勿哭也粵昔吾先子與若  
翁之官于晉也道學之倡寅恭之睦適紹前聞胥誨  
以穀當是時也予亦竊沾其餘馥矣既而為子相攸  
唯我是屬汝水燕山睽離靡恤蓋屢試我於風簷而  
亦偶驚乎電目翁于其時固謂可以蹠賢階躋膺仕  
女亦與沾榮祿矣而乃終婁且貧貧且夭也嗟乎其  
數乎吾安得而勿哭也蓋自戊辰之歲往省于南維  
女荏苒一疾乃日迫適當是時也吾嘗執女之手涕  
零以言曰生不及以榮爾以大祿沒當贈爾于九泉  
女遂卒然以死終婁且貧其果無祿也嗟乎嗟乎其



數乎其數乎吾安得而不為爾哭也旅寄嵩山越二  
十載每議正於首丘輒遲回而有待乃茲

王章誕錄

寵賁絲綸繼女兮有子繼子兮有孫固知死猶不死而區  
區福者壽者又不足為女輕軒也嗟乎嗟乎數豈屯  
乎是尚可以愜若翁之望而慰女之魂乎風淒淒兮  
飛雨舟泛泛兮橫波靈其駕兮自漳河為吊爾魂兮  
遺女羅魂兮其來兮赤水之阿

又

曰爾來自南我懷自北白首悠悠恩情中絕視爾之

銘我衣涕零魂其逝矣易生匪榮入爾之側我心之  
盡魂其來兮恍見顏色爾兒執撫爾孫執抱曰太安  
人中心是悼造物者窘壽止于斯哀哀我人如此淒  
其所幸我存為爾張主千里相迎縉紳交與或賁以  
祭或緇以丹搗辭輝映寒潭穩流有寵自

大奎章赫奕贈爾九原光昭靡斃嗟嗟浮生草木同腐方  
之安人執榮執苦爾有餘慶觸見孔揚行期觀國寵  
數彌昌百歲糟糠是可慰女悠悠蒼天敢忘斯語茲  
臨入窆愴矣其秋啣衣三奠風雨冥飈魂兮魂兮如  
泣如求哀哉



祭亡弟六哥文

曰嗚呼吾弟別我于蘆溝今甫四年矣乃遽爾長逝  
幽明永隔曾不得再見顏色嗚呼痛哉夫吾弟與我  
親爲同胞而貧苦相依情尤篤至蓋自汝兄讀書旅  
邸吾弟親爲執爨會無怨言汝兄應試南宮吾弟親  
爲負笈弗避風雨暨汝兄歷官中外吾弟時爲規誡  
毋蹈貪殘汝兄阻凍河梁吾弟親爲拯援毋畏跋涉  
及汝兄官躋三品吾弟尤惠我締袍時用戀戀此其  
手足至情豈惟今人罕倫將古之人或不是過矣至  
于吾父卒官賀蘭山惟吾弟扶柩吾母杖藜在京邸

惟吾弟承懽吾祖宗荒塋圯壞亦惟吾弟肯構吾  
先子室廬湫隘亦惟吾弟恢弘儒雖爲人子若孫曾  
無少裨陳氏萬一其有愧於吾弟者亦多矣然則吾  
弟可不謂幹蠱而克承先志者乎邈聞吾弟遭疾中  
危幾欲棄官而歸用敦骨肉畢竟以老親磨白藉此  
升斗曾未急難而吾弟且奄逝矣嗚呼痛哉夫勤苦  
如吾弟耿介如吾弟樂善好施如吾弟亦曰娘哉故  
汝兄彊勉仕途二十餘年而庶幾其不隕墜者亦惟  
吾弟是賴乃茲不得與汝兄翱翔白首且復無兒以  
延汝一脉嗟乎嗟乎豈天道之無知乎抑汝兄無祿



而晚年不獲汝之夾持乎捧讀遺書心焉如割即日  
命兒一龍服斬哀扶泣杖爲汝執三年之喪用以報  
德且以全夙盟云爾吾弟其知之乎否乎第幽明永  
隔曾不得再見顏色嗚呼痛哉千里緘辭臨風號哭  
誠不知辭之所云矣嗚呼痛哉

祭亡兒一鵠文

嗚呼吾兒鵠死矣今且三日矣入爾之廬不見爾聰  
明之貌竒特之文俊逸之字我心如割潸然出涕嗚  
呼痛哉吾兒死矣吾將安所於求乎追惟夢寐恍見  
顏色寤而求之吾子之廬祇見子架上詩書匣中琴

劍而吾子之貌之文之字欲一再見而不可得嗚呼  
痛哉萬里家鄉佳兒突喪豈天道之無知耶抑汝父  
之不仁乃罹此凶禍耶顧念汝父平生循規蹈矩罔  
敢一日越諸禮法之外乃茲突罹凶變五內摧傷顛  
天痛悼莫知所爲嗚呼吾兒平生壯志勉圖顯揚乃  
茲中道隕殂重貽我感嗚呼吾兒汝亦何心而忍與  
汝父汝母汝兄汝妹遽爲是永訣也耶無亦造物者  
之妬而吾子適受其禍耶朝華之草夕而零落拊膺  
痛哭吾誠不知所自矣嗚呼痛哉

祭歐陽母封太夫人文



曰載惟朔日某等方從南野公後登堂壽母舉欣欣然致期頤之祝矣翼日母弗豫嗣子隱憂再以勿藥慰之孰意竟不起耶意者瑤池會集青鳥音傳母固脫然移駕矣其柰嗣子煢煢然將疇依也耶嗚呼人孰無母克孝爲難乃若

龍章蕃錫霞帔騰輝孰不慕母之榮

寵席經筵珍分玉食孰不羨母之養顏開彩合胤永蘭舒又孰不仰母之壽考而厥後之昌也南野公亦可謂純孝也已母何獨不少留之耶雖然母之榮養且壽遇也母之亡歎也唯南野公黼黻

皇猷國資其制登庸俊彥民受其私發明正學士陶其化固皆母之教也吾知天下被南野公之澤無盡天下將頌我母之德不衰然則其榮養且壽遇也其亡亦歎也奚足重爲我母悲也哉

祭王冬葵侍御文

嗚呼冬葵公今不可復作矣睠言風神屋梁落月吾亦安能起公于九原與之叙葭莩之好抑又安能對公于百年與之論天下事耶獨步山頭悲風蕭索英雄豪傑之不偶于時吾又安得不爲我冬葵者哭耶嗟呼西山兮粼粼柱史兮振振汗青兮耿耿麟鳳兮



森森乃知天佑哲人不在其身而在其子孫噫是可  
以慰我冬葵于九原者耶春草王程寄此一奠惟公  
有知庶其鑒之

祭謝西巖兵憲文

惟公時昌華胄藝苑鴻聲鍾澧水蔡水之靈抱石門  
風門之秀魁梧器宇表翥風神積學傳家早折上林  
之桂宏詞華國榮霑玉陛之春筮仕花封再登粉署  
灞水尚存乎遺愛江洲獨步乎芳塵秉憲西南凜豸  
冠之丰彩宅心塞淵臻來牝之雲屯新鳳闕以啣恩  
忽玉樓而作賦嗟人琴之俱往空猿鶴之沉淪埋玉  
樹兮在龍蛇之歲奠生芻兮離麟鳳之群三接兮已  
違于謝傳八哀兮忽成乎少陵乘白雲兮長逝夢黃  
梁兮不醒某等同官西土聞訃震驚臨棺一奠寄此  
平生

祭徐封君雲谷文

曰某自布衣時景仰我文靖公之勲業每欲訪墜緒  
于厥嗣雲谷公未能也既登仕籍揖公伯子于朝載  
轄東山接公少子于幕日見其蜚聲玉署馳譽薇垣  
乃知濟美流光奄爲喬木遂欲卜居陽羨圖終倚毗  
之私無何公訃且至矣嗚呼先後有人俯仰無愧耄



九山集卷之十四

賜進士及第翰林院編脩門人胡正蒙編輯

賜進士出身南京戶部郎中李懿校正

詩

四言體

贈司寇見素林公歸隱

公之起用在嘉靖之初年也時懇求休退詩以贈之

維聖啓運蓄德罔愆河間不顯爰躍于潛

天祐我邦

龍飛九五穆穆迓衡厥施用普越若休茲旁求巖穴卓哉  
元老爲時商說惟公見素嚅噤道真繫周繫孔墜緒



恐湮於維資深式弘功業廊廟江湖憂心孔協暨茲  
崛起厥志益崇奮庸熙載惟允成功邦禁是承師保  
是託羽儀

清朝泰山喬嶽

明明天子尚克疇咨歲云秋矣江尊是思肥遯而亨王侯  
不事乃扣

天閣適成厥志志惟可則節無可尤膏車秣馬南州是休  
壺山之陽蘭水之將言采其茹終爾徜徉古訓有之  
知止不辱如有疑者請觀盤谷

東林懷古

於維匡麓有翼其穴跨引荆粵鬱葱東林適林之崇  
越若蓮社敢告僕夫言觀其下嗟嗟晉代逸矣風流  
大猷玄漠將無茲求厥求伊何冲虛入定峩峩我人  
乃亦是正維山之高維海之深是究是度爰禪之侵  
哀我人斯逢天憚怒威威靡騁聊可與晤豈伊無酒  
豈伊放曠言謝山靈託茲俗狀綯邈東林卓哉古今  
適山之災適人之欽

甲午六月余自徐入越友人王子維垣時爲戶部  
追而送諸呂梁臨流寄興相與忘言固已覺此道  
之難窮矣于其別詩以贈之



我向淮南爾處淮北道阻且長殷憂孔棘厥憂如何  
汨汨江河古有作者孰拯頽波宇宙大觀昭茲物理  
君子經綸人物表裏聖遠言湮貌茲絕塵臨流孤棹  
敢告同心

擬古二首

贈元老崔石門相公行邊詩

於維經略王師孔鑠維魏維貅徂茲沙漠曰

簡書是託於維經略孔鑠王師維西維北殲此鯨鯢曰

四國是維於維經略卓哉黃閣以綵以綸式昭明作

萬年允若

經略三章章五句

登天目山

於維天目我懷遂遂我徒旣勤我駒載秣言陟其巔  
宛爾雲谷吁嗟乎天目

於維天目宇宙清淑維石巖巖維流瀑瀑言陟其巔  
弔此陵谷吁嗟乎天目

天目二章章七句

五言古詩

恭和

聖製賜輔臣詩 郊祀作



明王紹景運海宇咸尊親青陽慶茲會佳氣瞻  
嚴宸於維稱殷禮相祀誌元臣豈茲祝禧望昭哉  
孝乃神風雲皆契合言念紆忠純因之發  
奎翰大化崇修身虹光射東壁琬琰良足珍  
重明歷千載康我唐虞民

過沛有感

聖王久不作元氣日以漓所以叔季世擾擾爭雄馳  
車鄰悲變絕周道但黍離曠茲芒碭雲山澤相追隨  
卓卓泗亭長復得帝者師問關乃天授珍重丹書期  
群才偶雲合乘運天戈麾輿圖奄混一炎精濯咸池  
擊筑諸父集慷慨百王詩嗟嗟寬仁度况紹陶唐基  
昔哉思猛士漢道何能熙

過硤石

纔從洛陽來又向硤石道朔風吹我衣函關猶未曉  
問子何慙慙我志在周道憶昔全盛時明良賦天保  
太和宇宙間周召施弘造寥寥千載餘王澤漸以槁  
悲風鴻鴈鳴憂心怒如擣古今豈異時理亂孰深討  
豐芑尚有遺率循嗟未蚤坐令甘棠陰萋萋萎衰草  
我欲往從之遐哉日幽邈安得挽頽風秦關慰父老

讀蘇武傳



古人重高節慷慨赴邊庭妻子不復顧寧知弟與兄  
寒冬十二月朔風吹我衣齧雪牧邊草霏霏人未歸  
旄盡海西頭空懷上林月寄書漢天子南翔淚成血  
悲彼右校王躊躇在周道思爲黃鵠飛恨恨苦不早

泰山書院

魯國有二子讀書泰山傍泰山不可極尼父時彷徨  
駕言陟其巔道家但石卷睽茲聖轍遠千秋誰象賢  
嗟嗟石徂徠借此孫明復咫尺闕里隈耿耿紹芳躅  
我茲登泰山其下扁書院因問譜者誰二子相炳炫  
所嗟微言湮茫茫僅如綫賴茲正學傳萬代昭如見

緬邈此風流瞻拜肅明薦因之賦所思夜分遂忘倦

至寧陽將謁闕里阻雨不果行悵然賦此

於維闕里隈層巒雄岱華檜栢相陰森洙泗出其下  
嗟予企宮墻有孚嚴夙夜五月曆青萊汶陽百泉瀉  
因之泝窮源尼山僅一舍晚來跋涉趨條爾風雷咤  
蕭蕭鳴雨過阻此堦城壘咫尺隔天涯餘光奚所借  
聖道洵高深仰鑽詎欲罷鄉往嗟無從殷憂徒自訝  
豈伊塵紛者靡與晤神化臨風發長嘆傷哉羞五伯  
我賦闕里篇千秋跋游夏

晚過濟間有感



朝發魯橋塢暮抵趙村閘所嗟道路長况復寒蕭颯  
中流泝頽波齒齒聲相嗑如何千金子日向虛舟躡  
撫膺發長嘆鍾聲竟紛雜

廬山漫興

步出江東門遙上匡廬去道路阻且長憑虛聊可御  
我行豈不懷冥搜良獨茹仙人王子喬披髮坐箕踞  
手執綠玉杖醉我瑤臺醪夢回神爽飛中心愴以怵  
是用陟崇岡涼飈夾雙屐五老為我徒孤鶴為我驢  
飄忽恣招尋未矣息塵慮訃然如有聞太虛以為語

武穆祠吊古

曉出吳山頭遙望有陵谷紅雲翠嶺發神音稜嶸  
俯瞰江漢流洪濤帶新練西望登高山望英爽浮天  
千秋藏者誰悠悠思武穆長驅向中原神州此恢復  
搖搖靖康間何能淑慝茲烈丈夫乾坤為流馘  
浮生豈不長所嗟在沉陸於昭斧袞間終古有餘戮  
而我仰高風題詩薦明肅

別湖山詩 時轉官入陝

我愛湖山奇湖山憐我拙憑虛御長風臨流棹明月  
有時放高歌琴聲奏清越亦復訪丹丘六橋橫渡截  
南高與北高天險稱奇絕相將此三年幾度尋芳歌



偶茲西山行別君坐超忽霏微煙雨中冷冷吞玉屑  
長揖謝山靈揚帆在明發何當復此來夢寐空吳粵  
西征篇 石州寇作海內震恐池陽李恭川時爲  
僉憲毅然討平之

天子嘉乃不績錫以金幣異數也某辱從公後覩茲盛美  
爰作西征篇以贈之

我聞范老子甲兵數十萬亦有汾陽王倉卒定多難  
文武不相資書生詎白面騰茲太行西雄鎮環畿甸  
爾爾綠林徒敢效漁陽燭室廬此蕭條兵戈復誰援  
八人豪仗劍雄多美就令蕭風定討謀馳羽箭  
呼吸有成功壺漿迎赤縣吁嗟丈人行豈徒事征戰  
三晉茲底平九垓亦清晏

天子嘉奇勳

聖書昭睿眷寶鑑來尚方緋魚復多絢忽聞天衢行西人  
徒戀戀立馬賦河梁金甌姓名薦我頌西征篇卿雲  
天表見

贈友人吳子醇出宰

與子三秋別感念憂亡羊慙慙向岐路胡爲爾相將  
睠茲奮頭角

上國俄觀光秋風過我側玉立何軒昂探討試終日燁燁



時升堂因之訊民隱治道紛弛張我亦負乘者疇能  
營四方念子寄百里東南今已傷努力相拯援毋徒  
事膏粱

題同年鄭侍御母貞節

我誦栢舟詩清風凜終古千秋作者誰正氣寒江浦  
覘死死如歸遺孤心獨苦含凄抱隱憂箕裘誰繼武  
慇懃三十年冰霜孰于侮一朝發筆滋九垓驚繡斧  
卷茲風教端之子受天祐太史垂芬芳滄州有遺渠

題方侍御草心堂卷

春陽藹清暉春澤亦汪濊睠茲造化心熙熙成詩藁

春郊芳草生萋萋我時對八壺有佳人感慨死相偶  
欲報三春暉寸心靡或弛融融與日俱三公復何易  
而我亦懷親酬恩媿難跂

七夕

今夕是何夕涼飈送疎雨空庭寂無人滴滴鳴芳杜  
蟾蜍歛太虛銀河光欲吐陰雲相蔽虧髮髻瞻桂宇  
窈窕天孫姿邂逅秋風塢脉脉隔河流悠悠此終古  
長信夜方沉蔓草橫堦戶乞巧欲無言亭亭心獨苦

七言古風

獲麟渡弔古

是為西狩獲麟之地也  
今遺址尚在遇而賦此



昨日灘頭尋古渡今我歸來日欲暮去去來來空自  
怕風塵冉冉迷征路津亭試問獲麟臺麟兮麟兮安  
在哉郊原踏踏鞠綦綦坐令千載成悲哀麟兮一出  
天下平詎知爾出非文明乾坤蘊兮散光嶽東西南  
北徒管管君不見馬負圖河中神物光斯徂庖義則  
兮盡八卦先天開我愚蒙徒又不見鳳來儀翩翩五  
采鳴于岐太和氤氲彌宇宙造化無乃呈神奇嗟哉  
春秋二百四十二年事豈龍戰紛紛是明王不作  
孰宗子魯國直儒抱幽滯麟兮麟兮出非時狂夫荷  
鍾寧誰欺尼父傷哉空掩袂哲人已矣將安歸魯史

垂成君適至豈亦天人昭氣志千秋琬琰垂寰區麟  
兮未之見其通我來渡頭昂獲麟悠悠千載嗟沉淪  
停耳日暮時嘆息安得長沮一問津

風雷篇

五月十有七日予登泰山是日也天朗氣清仰  
觀俯察得盡覽山川之勝異日昧爽風雷大作  
少霽瞻拜祠下復登絕頂乃雲霧四塞至不  
復辨方位因嘆昨者登眺實為奇過感慨有作  
用以識一時之遭際云爾

午夜鳴雷轟赤電呼吸虬龍相隱見蕭蕭風雨滿山



來霹靂時驚繞，  
宮殿攬衣亟起爲整冠。  
獨步中庭夜，  
將半洗心對越泰山。  
顛環珮珊珊，  
肅明薦出門復欲。  
窮吟眺雲霧，  
山川紛四面，  
因謝山靈愛我深。  
晴光昨日恣登臨，  
泰碑漢隸縱玄覽，  
日觀天池償素心。  
睠茲晝夜一瞬息，  
忽復宇宙成蕭森。  
乃知造化明晦不可測，  
嗟嗟小子叨居歆，  
乾坤俯仰大觀盡。  
揮毫爲賦風雷吟。

贈顏司寇陞南京禮部尚書

秋水蕪葭幾千里，  
都城南出丹方艤。  
鍾山王氣鬱蒼蒼，  
蒼宗伯疇茲典三禮，  
彤庭錫命秋堂行。  
白簡飛霜

振紀嗟夷降，  
典折惟刑王道同。  
歸載青史文昌昨，  
映奎光燕翼垂麻自豐邑，  
秦風沿習漢非彝。  
觀魯徒厯周季子，  
太平遺迹需明良。  
五百昌期衍麟趾，  
直清千古追唐虞。  
坐令沕風還太始。

贈邊司徒陞南京刑部尚書

曉來環珮鳴深闌，  
鳩鵲官前擁殘雪。

陞辭風采動

宸旒鍾山王氣資，  
調燮河山一統壯。  
金湯多君奮木聲，  
光烈六朝經濟屬，  
台衡象賢獨步持。  
冰蘗幾將三物教，  
顛蒙直向千秋追。  
稷契曉看北斗煥，  
留都赫赫明



刑孰頑頡乾坤到處是行藏雷電行看一掃掣姓名  
八座覆金甌莫向春江辭鼓柁

晉陽行 送賈曠原方伯旋巡撫延綏

晉陽自昔稱雄圖表裏山河美且都提封萬井接燕  
趙太行千仞陵楚吳虎豹雲屯鴈門北金湯天險環  
京國卓哉王氣幾千年回首長安雲五色陶唐世遠  
流風存更見太史登龍門司馬遷晉人百二山河繞秦晉  
巍巍方嶽誰與倫吾

皇御極真寰宇成賦中邦修六府繭絲保障晉疆雖魯縞  
何能送強弩嗟君感慨稱雄才耿耿聲華燭上官不

阿出匣光閃爍晉人借寇今重來東渡黃河千萬

雷轟電掣蛟龍起聞君入晉晉冰寒澄清曾向陰

裏公為侍御曾出按雲中紫微崇峻古侯封保釐千載稱畢公

疇咨岳牧屬明主坐見疆圉還淳風我忝同官復

開企仰風聲出霄漢秋風聊作晉陽行晉兮晉兮有

良翰

栢林書屋 座上教先生築室栢林讀書其中賦此以贈

龍城千古鬱佳致屈曲諸峰若屏峙神訶鬼護作者

誰世澤陰森此教氏千章古栢自參天一帶清流復

環翠清風時入小亭中上侶羲黃揖夢寐地靈人傑



炫神奇况復箕裘聯姓字崢嶸頭角禹門端天挺人  
豪應絕類官途聲價重璠璣資深自得曾遜志我辱  
公知觀國光企仰高風媿難跂人龍時出泰階平願  
言拭目文明治

輓卧白山人詩

公愛白雲時仰觀而卧山中因以為號

台峰千古環江陌雄亘南州鍾秀脉飛煙曉出山之  
巔有美人兮愛雲白雲兮將從龍光騰閃爍施  
神功五星奎聚天宇闢出岫無心還太空飛來雲白  
山峰碧野馬相吹幻消息幾回入望思茫然高卧山  
頂與君匹楚天吹斷西風寒松楸長夜忽漫漫造化

還兮自古風木何甚泣素冠蕭條時向雲山跂寒  
寒忠懷願相似哲人時出際虞唐垂芳底事追先志  
附入五言古風

悲窮

蕩蕩是乾坤此身無處着徬徨道路間進退苦羈薄  
家無半畝田蕭然一棗窠我以官為家曾未慮耕鑿  
甘守三十年鬼神可鑒約誰知罷官歸子孫情落落  
羈栖半載餘救水那承諾抱疾卧山間四顧成寥廓  
一見一女亡浮坵寄雙幙欲為正首丘玄冬雲漠漠  
觸目皆感傷此心痛如割救淚強西行幽情動離索



我病日以深我懷日以惡省愆若莫知終朝但飲藥  
攬衾發長嘆空庭只孤鶴傷哉我命窮骨肉誰能託  
憶昔榮華時千里趨連絡一朝忽三禡深恩遂忘却  
不見爾庭前兒郎已交錯慎勿類我窮天涯棄如糝

甘棠篇贈太府金前涼推江西憲伯

甘棠日以遠遐軌曷以追悠悠此南國王氣雄天涯  
聖朝控六合江漢茲爲池灌輸歲百萬景運昭隆熙幹旋  
此機要張弛尸者誰洵美二千石

不形墀卓哉金華彥道學相師師作用夏自別奚以  
翩翩六載間水鑑渾無私突爾南風煽紛紛  
戎馬馳鎮靜乃自定呼吸滅鯨鯢騰茲循良風漢之  
孰與媿論定功自崇異數昭

綸絲豫章甲群后風紀資維持豸角儼崢嶸黃金炫陸  
離澄清壯此行百工將允釐南薰送君去融融歌兩  
岐鴻飛不可留徒重東人悲願言崇明德永奠國陵

三